

ხელშეკრულება №01-112/2023
სახელმწიფო შესყიდვის შესახებ
(გამარტივებული შესყიდვა)

ქ.თბილისი

მაისი, 2023 წელი

შემსყიდველი: **სსიპ - ცხოველთა მონიტორინგის სააგენტო** (შემდგომში წოდებული „შემსყიდველად“), წარმოდგენილი დირექტორის გიორგი კობიაშვილის სახით.

მისამართი: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;

საიდენტიფიკაციო კოდი: 205316399;

საბანკო რეკვიზიტები: სახელმწიფო ხაზინა, ხაზინის ერთიანი ანგარიში ბ/კოდი: TRESGE22

მიმწოდებელი: შპს „პსპ-ფარმა“, (შემდგომში წოდებული „მიმწოდებლად“), წარმოდგენილი დირექტორის ვაჟა ოქრიაშვილის სახით;

მისამართი: ქ. თბილისი, დავით აღმაშენებლის 148/3;

საიდენტიფიკაციო კოდი: 202203123;

საბანკო რეკვიზიტები: სს „თიბისი ბანკი“, ბ. კ. TBCBGE22, ა/ა: GE26TB0677136020100007;

ერთი მხრივ **შემსყიდველი**, ხოლო მეორე მხრივ **მიმწოდებელი**, ხელმძღვანელობენ რა საქართველოში მოქმედი კანონმდებლობით, ადასტურებენ, რომ „სახელმწიფო შესყიდვების შესახებ“ საქართველოს კანონის, მე-3 მუხლის პირველი პუნქტის „ს¹“ ქვეპუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“ -ს მე-2 მუხლის „ა“ პუნქტის თანახმად, გამარტივებული შესყიდვის წესით დებენ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს, შემსყიდველის მიერ, სააგენტოს ცხოველთა თავშესაფრისთვის 1.2. პუნქტში მითითებული ფარმაცევტული პროდუქტების - მედიკამენტების (შემდგომში „საქონელი“) სახელმწიფო შესყიდვა, წინამდებარე ხელშეკრულების პირობების შესაბამისად; (cpv33600000)

1.2. საქონლის მახასიათებლები:

N	დასახელება	მწარმოებელი კომპანია	ვარგისიანობის ვადა მიწოდებიდან	განზომილების ერთეული	რაოდენობა	ერთეულის ღირებულება	ჯამური ღირებულება (ლარი)
1	იხთიოლის მაღამო 20% 25გ	ბორისოვოს მედ.ქარხანა	12 თვე	კოლოფი	25	1,90	47,50
2	იოდის სპირტხსნარი 5% 10მლ	იაროსლავფარმი	12 თვე	კოლოფი	50	1,05	52,50
3	დოქსი-დენკი ტაბ. 100მგ N20	Denk Pharma (Artesan Pharma)	12 თვე	კოლოფი	10	9,00	90,00
4	ცეფტრიაქსონი 5/მ 1გ	ბორისოვოს მედ.ქარხანა	12 თვე	კოლოფი	100	1,80	180,00
ჯამი:							370,00

1.3 შესყიდვა განხორციელდა # 73-01231241724 მოხსენებითი ბარათის მოთხოვნის შესაბამისად.

2. მხარეთა უფლება-მოვალეობები

2.1 მიმწოდებელი ვალდებულია:

2.1.1. გადასცეს შემსყიდველს უნაკლო საქონელი, წინამდებარე ხელშეკრულების პირობების შესაბამისად;

2.1.2. შემოთავაზებული მედიკამენტები უნდა იყოს ისეთი შეფუთვით, რომელიც დაიცავს მას დაზიანებისგან, გაფუჭებისგან დანიშნულების ადგილამდე ტრანსპორტირების პროცესში და ასევე შენახვის პერიოდში;

2.1.3. უხარისხო, არასტანდარტული, ვადაგასული, დაზიანებების მქონე საქონლის აღმოჩენის შემთხვევაში, მიმწოდებელმა ყოველგვარი წინაპირობის გარეშე, არაუმეტეს 2 (ორი) სამუშაო დღის ვადაში უნდა შეცვალოს ახალი საქონლით, სრულად საკუთარი ხარჯით (ტრანსპორტირების ჩათვლით);

2.1.4. მხარეთა შორის მიღება-ჩაბარების აქტის გაფორმებისთანავე, წარუდგინოს შემსყიდველს შესაბამისი საგადასახადო დოკუმენტაცია, წინამდებარე ხელშეკრულების 5.2 პუნქტის შესაბამისად.

2.1.5. დაიცვას ხელშეკრულებით გათვალისწინებული ყველა პირობა.

2.2 მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება წინამდებარე ხელშეკრულებით გათვალისწინებული პირობების შესაბამისად.

2.3 შემსყიდველი ვალდებულია:

2.3.1. მოახდინოს ანგარიშსწორება მიმწოდებელთან წინამდებარე ხელშეკრულების შესაბამისად;

2.3.2. უზრუნველყოს საქონლის მიღება.

2.4 შემსყიდველი უფლებამოსილია მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

3. ხელშეკრულების ღირებულება

3.1 წინამდებარე ხელშეკრულების ღირებულება შეადგენს **370.00 (სამას სამოცდაათი) ლარს**.

3.2. საქონლის ერთეულის ღირებულება მოცემულია 1.2 პუნქტში.

3.3. წინამდებარე ხელშეკრულებით გათვალისწინებული ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს.

3.4. შემსყიდველის დაფინანსების წყარო: **2023 წლის საკუთარი შემოსავლები**.

4. ანგარიშსწორების წესი

4.1 მხარეთა შორის ანგარიშსწორება მოხდება ეროვნულ ვალუტაში, უნაღდო ანგარიშსწორების წესით.

4.2. შემსყიდველი ვალდებულია მხარეთა შორის მიღება-ჩაბარების აქტის გაფორმებიდან და შესაბამისი დოკუმენტაციის წარმოდგენიდან, 10 (ათი) სამუშაო დღის განმავლობაში მოახდინოს წინამდებარე ხელშეკრულებით გათვალისწინებული ღირებულების ანაზღაურება.

4.3. საქონლის გადაცემის თარიღად ითვლება მხარეთა მიერ მიღება-ჩაბარების აქტზე ხელმოწერის თარიღი.

5. საქონლის შესყიდვის ადგილი, ვადები და მიღება-ჩაბარების წესი

5.1. საქონლის მიწოდების ადგილია: ქ. თბილისი, თვალჭრელიძის N45 ა.

5.2. გადასცეს შემსყიდველს უნაკლო საქონელი, ერთჯერადად, ხელშეკრულების დადებიდან 2023 წლის 8 მაისის ჩათვლით პერიოდში;

5.3. საქონლის შესყიდვის პარალელურად, მიმწოდებელი ვალდებულია უზრუნველყოს საქართველოში მოქმედი კანონმდებლობით გათვალისწინებული თანმხლები დოკუმენტაციის წარდგენა შემსყიდველისათვის (სასაქონლო ზედნადები და არსებობის შემთხვევაში, არსებობის შემთხვევაში, საგადასახადო ანგარიშ-ფაქტურა).

5.4. საქონელი ჩაითვლება მიღებულად, აღნიშნულის თაობაზე წარმოდგენილი სასაქონლო ზედნადებისა და მიღება-ჩაბარების აქტის ხელმოწერის დღიდან, რომელთა გაფორმების მომენტიდან შემსყიდველზე გადადის საკუთრების უფლება საქონელზე. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება სააგენტოს ცხოველთა კონტროლისა და რეგულირების დეპარტამენტის ცხოველთა თავშესაფრის განყოფილების უფროსის მოადგილეს მამუკა საყვარელიძეს.

6. ხელშეკრულების მოქმედების ვადები

6.1 წინამდებარე ხელშეკრულება ძალაში შედის მხარეთა უფლებამოსილი წარმომადგენლების ორმხრივი ხელმოწერის დღიდან და მოქმედებს 2023 წლის 31 ივლისის ჩათვლით.

7. ხელშეკრულების ინსპექტირება

7.1 შემსყიდველი უფლებამოსილია შესყიდვის დროს განახორციელოს საქონლის შემოწმება.

7.2. მიღება-ჩაბარების აქტის გაფორმებამდე, შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

7.3. წინამდებარე ხელშეკრულების 7.1 პუნქტით გათვალისწინებული კონტროლისა და ზედამხედველობის განხორციელება ევალება, სააგენტოს ცხოველთა კონტროლისა და რეგულირების დეპარტამენტის ცხოველთა თავშესაფრის უფროსს ან/და უფროსის მოადგილეს.

8. ხელშეკრულების შეწყვეტა

8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შესრულების შეუძლებლობის წერილობითი შეტყობინების შემდეგ, თუ:

8.2.1. ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის მიწოდება;

8.2.2. მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

- 8.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 8.2.4. საქართველოს კანონმდებლობით გათვალისწინებულ სხვა შემთხვევებში.
- 8.3. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9. მხარეთა პასუხისმგებლობა

- 9.1. მხარეების მიერ წინამდებარე ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას საქართველოს მოქმედი კანონმდებლობის შესაბამისად.
- 9.2. რომელიმე მხარის მიერ წინამდებარე ხელშეკრულების შეუსრულებლობის შემთხვევაში, ხელშეკრულების მეორე მხარეს უფლება აქვს, მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ წინამდებარე ხელშეკრულებით ნაკისრი ვალდებულების შეუსრულებლობით.
- 9.4. მიმწოდებლის მიერ წინამდებარე ხელშეკრულებით გათვალისწინებული ვალდებულებების შეუსრულებლობის შემთხვევაში შემსყიდველი უფლებამოსილია დააკისროს მიმწოდებელს, ხოლო ასეთ შემთხვევაში მიმწოდებელი ვალდებულია გადაიხადოს პირგასამტეხლო ხელშეკრულების საერთო ღირებულების 10%-ის ოდენობით.
- 9.5. მიმწოდებლის მიერ წინამდებარე ხელშეკრულების არაჯეროვანი შესრულების შემთხვევაში, შემსყიდველი უფლებამოსილია დააკისროს მიმწოდებელს, ხოლო ასეთ შემთხვევაში მიმწოდებელი ვალდებულია გადაიხადოს პირგასამტეხლო შეუსრულებელი ვალდებულების 10%-ის ოდენობით.
- 9.6. რომელიმე მხარის მიერ წინამდებარე ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია გადაიხადოს პირგასამტეხლო, ვალდებულების შესრულების ყოველ ვადაგადაცილებულ დღეზე შეუსრულებელი ვალდებულების 0,1%-ის ოდენობით.

10. ფორს-მაჟორი

- 10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.
- 10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, საქონლის მიწოდებაზე ემბარგოს დაწესება, სახელწიფო გადატრიალება და სხვ.).
- 10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულების პირობების გადასინჯვის წესი

- 11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ წინამდებარე ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.
- 11.2. წინამდებარე ხელშეკრულების 11.1. პუნქტით გათვალისწინებულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.
- 11.3. გარემოებათა შეცვლას უთანაბრდება, ის გარემოება, როდესაც წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.
- 11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა წინამდებარე ხელშეკრულების 11.1, 11.2. და 11.3. პუნქტებით გათვალისწინებული შემთხვევებისა.

11.5. ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება, ან უარესდება ხელშეკრულების პირობები დამკვეთი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.6. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობის გაზრდა.

12. ხელშეკრულებაში ცვლილებებისა და დამატებების შეტანის წესი

12.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2. თუ რაიმე წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წინასწარ, ცვლილებების განხორციელების სასურველ თარიღამდე სამი სამუშაო დღით ადრე, წერილობით შეატყობინოს მეორე მხარეს. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

12.3. წინამდებარე ხელშეკრულების პირობების ნებისმიერი ცვლილება და დამატება უნდა გაფორმდეს დამატებითი შეთანხმების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას (არ იგულისხმება “ფორს-მაჟორი”), რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2. იმ შემთხვევაში თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. დავების გადაჭრის წესი

14.1. ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

15.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად;

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

15.4. წინამდებარე ხელშეკრულება შედგენილია ქართულ ენაზე;

15.5. ხელშეკრულება, მხარეების მიერ სხვადასხვა თარიღში დამოწმება/დადასტურების შემთხვევაში, გაფორმებულად ჩაითვლება იმ თარიღში, როდესაც მეორე მხარე დაამოწმებს/დადასტურებს ელექტრონული ხელმოწერით/შტამპით.

15.6. შემსყიდველის მხრიდან ამ ხელშეკრულებაზე ხელმოწერი პირი ხელმოწერით ადასტურებს, რომ არ იმყოფება ინტერესთა კონფლიქტში მიმწოდებელთან და ამ შესყიდვის განხორციელებაში მისი მონაწილეობა არ ეწინააღმდეგება საქართველოს სახელმწიფო შესყიდვების მარეგულირებელ კანონმდებლობას.

16. მხარეთა რეკვიზიტები:

შემსყიდველი:

სსიპ-ცხოველთა მონიტორინგის სააგენტო

ს/კ: 205316399

მის.: ქ. თბილისი, დავით აღმაშენებლის გამზ.

№89/24 – კ. მარჯანიშვილის №89/24

საბანკო რეკვიზიტები: ხაზინის ერთიანი

ანგარიში, ბანკის კოდი - TRESGE22

მიმწოდებელი:

შპს „პსპ-ფარმა“

ს/კ: 202203123

მის.: ქ. თბილისი, დავით აღმაშენებლის 148/3

საბანკო რეკვიზიტები:

ბანკის დასახელება: სს „თიბისი ბანკი“,

ბანკის კოდი: TBCBGE22,

ანგარიშის ნომერი: GE26TB0677136020100007

დირექტორი

გიორგი კობიაშვილი

დირექტორი:

ვაჟა ოქრიაშვილი